



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj:  
Sarajevo, \_\_. \_\_. 2023. godine

Na osnovu člana 26. stav 1. tačka 2. i člana 74. stav (1) Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na \_\_. sjednici održanoj dana \_\_. \_\_. 2023. godine, primilo je k znanju

Informaciju o realizaciji Projekta „Sanacija, restauracija i koloristička obnova fasada“ za 2022. godinu

**PREDSJEDAVAJUĆI GRADSKOG VIJEĆA**

**Jasmin Ademović**





**Grad Sarajevo**  
**City of Sarajevo**

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Grad Sarajevo**  
**GRADONAČELNICA**

**INFORMACIJA**  
**O REALIZACIJI PROJEKTA „SANACIJA, RESTAURACIJA I KOLORISTIČKA**  
**OBNOVA FASADA“ ZA 2022.GODINU**

**Predlagač:** Gradonačelnica

**Obrađivač:** Služba za urbano planiranje, investicije,  
stambene i komunalne poslove

**Sarajevo, januar 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## I. UVOD

Projekat obnove fasada kulturno-historijskih objekata otpočeo je prije skoro dvije decenije. Do danas je obnovljen znatan broj fasada zaštićenih objekata, kako pojedinačnih spomenika, tako i onih objekata koji čine ulične nizove. Poznato je da veliki broj fasada stambenih i stambeno-poslovnih objekata čeka na obnovu fasada koje su oštećene što posljedicama ratnih dejstava, starosti i/ili neodržavanja. Shodno navedenom, Grad Sarajevo je i u 2022. godini nastavio kontinuirano raditi na Projektu „Sanacija, restauracija i koloristička obnova fasada“. Ističemo da je izuzev pripreme projekta obnove jedinstvene fasade na historijskoj građevini „Gospođicina kuća“, u ulici Hamdije Kreševljakovića br.1, urađeno i nekoliko projekata sanacije i kolorističke obnove fasada stambeno-poslovnih objekata u ulici Maršala Tita, te je u toku izvođenje radova na jednom od objekata. Urađen je i projekat sanacije fasade na JU Srednja škola poljoprivrede, prehrane, veterine i uslužnih djelatnosti Sarajevo.

## II. PODUZETE AKTIVNOSTI NA REALIZACIJI PROJEKTA

Gradska Služba za urbano planiranje, investicijske, stambene i komunalne poslove je u toku 2022. godine pripremila projektну dokumentaciju za obnovu fasada kulturno-historijskih objekata na sljedećim adresama:

1. ul. Maršala Tita br. 29,
2. ul. Maršala Tita br. 27,
3. ugao ulica Maršala Tita 33 i Kaptol 1,
4. ul. Maršala Tita br. 21,
5. ul. Maršala Tita br. 19,
6. ugao ulica Maršala Tita 17 i Prušćakovu 2-4 i
7. ul. Hamdije Kreševljakovića br. 55, JU Srednja škola poljoprivrede, prehrane, veterine i uslužnih djelatnosti Sarajevo,
8. ul. Hamdije Kreševljakovića br. 1, „Gospođicina kuća“.

Za stambeno-poslovne objekte u ulici Maršala Tita na brojevima 29 i 27, te uglovnici Maršala Tita broj 33 i Kaptol br. 1, urađena je projektna dokumentacija i pribavljene sve potrebne saglasnosti. Procedura javne nabavke za odabir najpovoljnijeg izvođača radova je okončana te se u građevinskoj sezoni 2023. godine (u skladu sa povoljnim vremenskim uslovima) očekuje početak radova na objektima u ul. Maršala Tita br. 27 i uglovnici u ulici Maršala Tita 33 i Kaptol br.1. Radovi na objektu u ulici Maršala Tita broju 29 otpočeli su krajem novembra 2022. godine i već su pri kraju. Međutim, okončanje radova na ovom objektu ovisi od vremenskih uslova te se ne može precizirati, budući da se radovi izvode izvan građevinske sezone.

Projektna dokumentacija je urađena za objekte na sljedećim adresama: Maršala Tita broj 21, 19 i uglovnici Maršala Tita 17 i Prušćakova 2-4. U toku je pribavljanje potrebnih saglasnosti i priprema tenderske dokumentacije za javni poziv za odabir izvođača radova.

Također, urađena je projektna dokumentacija sanacije i restauracije fasade nekadašnje „Prve ženske gimnazije u Sarajevu“, današnje JU Srednja škola poljoprivrede, prehrane, veterine i uslužnih djelatnosti Sarajevo. Realizacija je planirana u 2023. godini, ukoliko se osiguraju neophodna dodatna finansijska sredstva.

Kada je u pitanju sanacija fasade još jednog nacionalnog spomenika BiH „Gospođicina kuća“, planiran je nastavak aktivnosti u skladu sa Mišljenjem Komisije za očuvanje nacionalnih spomenika.

U 2023. godini planirana je izrada projekta „Beledije“, kao i stambeno-poslovnog objekta (uglovnice) uz „Belediju“ kako bi se obuhvatila sanacija cijelog uličnog niza ulice Brodac.

Važno je naglasiti da se na sve navedene objekte primjenjuju Odluke Komisije za očuvanje nacionalnih spomenika te su time ponekad i složeniji postupci za pribavljanje određenih saglasnosti. Grad Sarajevo, iako ne raspolaže velikim Budžetom, nastoji da obnovi fasade na što većem broju kulturno-historijskih objekata i time nastavlja dosadašnju praksu sanacije fasada koje predstavljaju kulturno-historijsko naslijeđe našeg grada.